

監利縣志



同治十一年壬申刊

監利縣志

序

同治五年棟權監利適臺臣
議修通志檄屬邑各以方志
上棟延邦人士詢之僉云邑
志闕修若干年矣梓本散佚

鮮有存者今謀增輯其難有
三兵燹以來公家簿書化為
煨燼安從裒輯難一也故家
大族圖史飄零者舊淪亡考
獻徵文均之不足難二也鋒



鏘旱潦之餘民救死且不暇
募貲籌費雖戶說眇論庸能
有濟難三也棟亦謂是誠難
矣然及今不加賡續過此以
往茫茫墜緒殆將中斷伊誰

二

之咎歟諸君子無憚其難廣
為鳩集邑乘舊稿猶當可覓
輔之以通志郡志假典籍於
遠近訪故老所流傳網羅見
聞皆堪擴據至於開局徵匠

但期濟事無需冗費似亦可
化難為易進以應當途之徵
索退以勒一邑之成書昔者
蒙穀獻典五官復治斯亦楚
先賢故事也諸君子豈無意

三

乎於是僉應曰然棟乃定議
以載筆屬朱桂林茂才游慎
陔孝廉其他叅編纂預校讐
專采訪者必其通雅廉正始
行推舉部署略定棟適受替

將去至者為毓才徐刺史棟
因以屬之刺史亦踵行開局
至今年春監利人士以書貽
棟謂邑志脫稿已及授梓茲
事權輿實發自公請冠之以

四

序棟欣然曰成矣乎諸君子
不畏其難竟底於成豈不賢
哉急取閱之則數十年往事
旁搜遠紹罕有關遺至近事
則戡難之略節烈之概丈量

之舉宣防之役靡不條貫統
飭臚列井井因歎圖事而不
以難自阻未有不蕝厥成者
伐山者開闢於鳥道蠶叢極
天梯石棧之艱卒能化嶮巖

五

為坦途鑿渠通漕者剝疊嶂
摧峭壁燔林燒石千夫赭汗
卒使湍瀨殺怒舳艫銜尾此
皆成之極難者茲志之成亦
其驗已棟嘉諸君子之勇且

勤因援筆書諸簡端
同治十一年歲次壬申孟春
月前任監利縣知縣陳國棟
郁庭氏謹序

序

兆英不敏攝官承乏於茲邦道
前令尹陳君郁庭侶續修邑
乘之舉已立局籌款分題采
訪延邑中朱桂林茂才游慎

一

陝孝廬司馬東輯兆英又延
朱吉階廣文程南溪明經廖
錦城孝廬龔子定貳尹相與
搜采編纂草創畢以授王比
部子壽決擇增省焉而余得

摠至成事論次論定之凡閱
每月勅為成書以待剞劂今
謂此英宜為之序則謹序之
曰志之善者至古法有三焉
一曰典祀綱羅浩博之謂也必

二

也徵引援據皆取經史子集傳
記之言其裨販小說毋得參焉
是之謂典一曰核因革利病之
端皆洞達古今賅括存末昭
然得失之林彰明鏡當前物

無遁形也是之謂核一曰無私
志與使同而滋異雖有褒無
貶然書事宜直不得任好惡
為毀譽不得袒偏黨立門戶
悉出於公之見酌以正當之

三

論是之謂無私今昔纂次惟求
無戾於三者之法是也抑又
深究而邑之俗民勤耕織士
崇儒術愿而不悍質而少偽
條教所頌風流令新節為易

治然自數百年來係邑利害
最鉅者無如江防至今未有善
策也壞居卑下川湖陂澤貫
銘胸脅外環以大江所託命者
惟隄防無歲不有版築之役

四

又川南交匯適值衝以多
沙易圯夏漲驟至風浪核隘非
人力所能捍禦明知隄不足敵
水而田廬人民舍隄更無可
依惟竭手足罄資財不顧也

嗟乎此豈長策哉誠得江流
順軌川湖陂澤不至泛溢高
原下濕杭稻連雲桑麻蔽野
其饒沃可數倍旁邑夫使以
屢聖之後行易治之化民安

五

聖皇繼序有邁成康澆沈澹災
感名祥和多見苦危且將愛
澤國為樂土自今以始歲至
有矣是書也咸辱當弁簡

特舉江防詳言之者以正家
也利害最鉅也他端免有統
飭分爲門者十有二門各附
子目大抵求當於典核無私
之大法而已規之繁簡有不足

六

論知監利縣事江都徐兆英
毓才氏撰

瑞枝承乏茲邑始下車則巨浸
稽天江決下鄉隄邑境淪胥者
殆十之八九潦退具牒請于大
府重議修築符下得撥款三萬
緡又募之境內捐數畧如之乃
衝冒風雪相視險易計尋丈督

一

役徒興版築准式程往來董率
次年春役竣堅厚有加是歲江
怒少殺加意防護隄以不敗竟
獲有秋乃乘暇日修舉廢墜其
祠廟載祀典而頽圯剝落者次
第新之惟志乘未梓蓋前令陳

郁庭刺史始倡其議至徐毓才
刺史編輯畧畢則朱桂林茂才
游慎陔孝廉所纂次而王子壽
比部貫穿兩家以成之者也因
費絀致寢閣瑞枝謂此乃舉百
年墜典業賡續有成矣豈可中

二

道而止哉即移他款以作梓費
延王比部及游慎陔孝廉朱心
齋明經彭丹厓李翼雲兩茂才
重為商推擇日開局徵匠鏤板
會受代且行即諠諠屬松圃陳
君為之葺成未幾都人士書來

云剗劓將竟乞賜弁言瑞枝謂
邑之要領無過志乘志乘舉邑
之政亦舉矣又謂宰監利不難
於治民而難於治隄隄治則田
畝賦稅從之而治至於條教所
頒勸懲所及不煩道鐸下令如

三

流水之原矣以其民愿而士皆
自愛也瑞枝蒞事且兩載媿無
異績以慰父老今為舊令尹矣
而士民猶拳拳見思不置即瑞
枝亦低徊不忍忘也自今以往
綰綬而來者皆卓魯之流必能